

DRUŠTVO CRVENOG KRSTA/KRIŽA BOSNE I HERCEGOVINE
CRVENI KRIŽ FEDERACIJE BOSNE I HERCEGOVINE

STATUT

CRVENOG KRIŽA FEDERACIJE BOSNE I HERCEGOVINE

(prečišćeni tekst)

Mart, 2007.godine

Na osnovu člana 14. Zakona o udruženjima i fondacijama ("Sl. novine FBiH", broj:16/98), Člana 4. i Čl. 22. stav 1. Zakona o Crvenom križu/krstu Federacije BiH («Sl. novine FBiH», broj 28/06) i Statuta Društva Crvenog križa/krsta Bosne i Hercegovine, Skupština Crvenog križa Federacije Bosne i Hercegovine, na sjednici održanoj 28.03.2007. godine u Sarajevu usvaja:

S T A T U T

CRVENOG KRIŽA FEDERACIJE BOSNE I HERCEGOVINE

I OPĆE ODREDBE

Član 1.

Ovim Statutom su utvrđene opće odredbe, osnovni ciljevi i način djelovanja, članstvo, struktura i unutarnje uređenje, djelovanje mlađih i druga pitanja bitna za rad Crvenog križa Federacije Bosne i Hercegovine, u skladu sa članom 4. i 5. Zakona o Crvenom križu/krstu FBiH (Sl. Novine FBiH 28/06).

Crveni križ Federacije BiH je sastavni dio Društva Crvenog krsta/križa Bosne i Hercegovine.

Crveni križ Federacije BiH je humanitarna, dobrovoljna organizacija od posebnog društvenog interesa za Federaciju BiH, koja radi ostvarivanja humanitarnih ciljeva i pomoći u oblasti socijalne i zdravstvene djelatnosti, djeluje na osnovu misije i principa Međunarodnog pokreta Crvenog križa, Crvenog polumjeseca i Crvenog kristala, i to: humanosti, nepristrandosti, neutralnosti, neovisnosti, dobrovoljnosti, jedinstva i univerzalnosti i Ženevske konvencije i Dopunskih protokola.

Član 2.

Naziv organizacije je Crveni križ Federacije Bosne i Hercegovine (u dalnjem tekstu Crveni križ FBiH).

Crveni križ Federacije BiH djeluje na teritoriji Federacije Bosne i Hercegovine.

Sjedište Crvenog križa FBiH je u Sarajevu.

Skraćeni naziv je Crveni križ FBiH.

Član 3.

Crveni križ FBiH ima svojstvo pravnog lica i neprofitna je organizacija.

Član 4.

Svoje humanitarne ciljeve i zadatke Crveni križ FBiH ostvaruje u oblasti zaštite i unapređenja zdravlja, socijalne zaštite, zdravstvenog i humanitarnog odgoja i obrazovanja.

U situacijama prirodnih i drugih nesreća Crveni križ FBiH obavlja posebne zadatke u skladu sa važećim zakonima, Sporazumom o saradnji sa Civilnom zaštitom i drugim propisima.

U slučaju oružanog sukoba Crveni križ FBiH izvršava sve obaveze u skladu sa Ženevskim konvencijama i preporukama Međunarodne Federacije društava Crvenog križa i Crvenog polumjeseca.

Član 5.

Znak Crvenog križa FBiH je križ crvene boje koji se sastoji od pet jednakih kvadrata na bijeloj podlozi u skladu sa Ženevskim konvencijama i Dopunskim protokolima, Zakonom o upotrebi i zaštiti znaka Crvenog križa i naziva Društva

Crvenog križa BiH (Sl. Glasnik br. 11/02) i članom 7. Pravilnika Međunarodnog odbora Crvenog križa iz 1991. godine o upotrebi znaka Crvenog križa ili Crvenog polumjeseca u nacionalnim društvima.

Zastava Crvenog križa FBiH je od bijelog platna oblika pravougaonika, a na njenoj sredini nalazi se znak Crvenog križa FBiH srazmjerno veličini zastave. Zastava ima dimenzije stranica u odnosu dva naprama jedan.

Logo Crvenog križa FBiH je sljedećeg izgleda: Na bijeloj podlozi, u razmjeri ovisno o namjeni loga, unutar opisanog kruga crne boje nalazi se znak Crvenog križa u sredini, a uz unutrašnji rub kružnice isписан je koncentrični tekst (razdvojen crnim tačkama) u gornjem dijelu s lijeva na desno piše: DRUŠTVO CRVENOG KRIŽA BIH, a u donjem dijelu s lijeva na desno piše: CRVENI KRIŽ FEDERACIJE BOSNE I HERCEGOVINE.

Pečat Crvenog križa FBiH je okruglog oblika promjera 40 mm sa znakom Crvenog križa u sredini, a uz rubni dio pečata je tekst: Društvo Crvenog križa Bosne i Hercegovine, Crveni križ Federacije Bosne i Hercegovine.

Član 6.

U odnosima sa civilnim vlastima Crveni križ FBiH održava nezavisnost koja mu dopušta da djeluje u svakom trenutku u skladu sa osnovnim principima Pokreta, očekujući da će se organi vlasti pridržavati principa Crvenog križa.

Član 7.

Rad Crvenog križa FBiH i njegovih tijela je javan.

Javnost rada osigurava se kontinuiranim i internim izvještavanjem u okviru organizacije i izvještavanjem šire javnosti putem sredstava javnog informiranja o radu i aktivnostima Crvenog križa FBiH.

Iznimno, sjednice određenih tijela mogu biti zatvorene, kad se raspravlja o osobnim podacima za pojedine članove, a koji bi tim članovima mogli nanijeti moralnu i materijalnu štetu. Isključenje javnosti može biti i u slučaju razmatranja predmeta Službe traženja.

Član 8.

Crveni križ FBiH provodi ciljeve Društva Crvenog krsta/križa BiH, zastupa ideje međunarodnog Pokreta Crvenog križa i unapređuje međunarodnu saradnju, sarađuje s državnim i federalnim organima, ostalim društvima, udruženjima građana i drugim organizacijama koje imaju javna ovlaštenja, a koje idejno i programski slijede slične ciljeve, posebno one iz oblasti zdravstvene zaštite, socijalne zaštite, odgoja i obrazovanja, civilne zaštite i odbrane.

II OPĆI CILJEVI I SPECIFIČNI ZADACI CRVENOG KRIŽA FBiH

Član 9.

Opći ciljevi Crvenog križa FBiH su:

1. ublažavanje ljudskih patnji, a posebno onih izazvanih oružanim sukobima, velikim prirodnim nepogodama, drugim masovnim nesrećama, katastrofama i oružanim sukobima;
2. podizanje zdravstvene kulture stanovništva, u skladu sa Zakonom o Crvenom križu FBiH;
3. podsticanje, unapređenje i propagiranje socijalne sigurnosti građana, solidarnost i propagiranje međusobnog pomaganja;
4. unapređenje i propagiranje načela Međunarodnog pokreta Crvenog križa i Crvenog polumjeseca, kao i međunarodnog humanitarnog prava, među stanovništvom, te načela ljudskih i dječjih prava;
5. propagiranje i unapređenje idealja mira, uzajamnog poštovanja i razumijevanja među svim ljudima i narodima;

6. praćenje i koordinacija aktivnosti organizacija Crvenog križa iz člana 2. stav 3. Zakona o Crvenom križu FBiH.

Član 10.

Specifični zadaci Crvenog križa FBiH su:

- zastupa i promovira ideale međunarodnog pokreta Crvenog križa, te provodi zadatke i pomaže u izvršenju obaveza koje proizlaze iz Ženevskih konvencija,
- upoznaje stanovništvo sa sadržajem i značenjem Ženevskih konvencija i međunarodnog humanitarnog prava i nadzire njihovu primjenu u ratu,
- radi na zdravstvenom odgoju, prosvjećivanju i informiranju svojih članova i stanovništva o prevenciji svih oblika ovisnosti, a posebno djece i mladih,
- osposobljava i organizira stanovništvo za pružanje prve pomoći u svakodnevnom životu, prometnim i masovnim nesrećama u miru i ratu,
- vrši obuku i izdaje uvjerenja o položenoj prvoj pomoći za vozače motornih vozila i druge učesnike u prometu,
- provodi osposobljavanje za pružanje prve pomoći na radu u skladu sa Zakonom o zaštiti na radu,
- promovira značaj dobrovoljnog darivanja krvi, sudjeluje u edukaciji stanovništva i organizira akcije dobrovoljnog darivanja krvi u suradnji sa zdravstvenim ustanovama specijaliziranim za te aktivnosti,
- vrši obuku i radi na organiziranju i pružanju njege i određenih vidova socijalne i zdravstvene zaštite za osobe kojima je potrebna tuđa njega i pomoć,
- vrši obuku stanovništva i aktivista Crvenog križa iz svog djelokruga, radi pripreme za djelovanje u slučaju katastrofa ili sukoba,
- aktivno sudjeluje i pomaže u organiziranju i pružanju zdravstvene pomoći i zaštite u slučaju elementarnih i drugih masovnih, nesreća u prihvatu, smještaju i drugim aktivnostima koje pridonose zbrinjavanju nastradalog i ugroženog stanovništva,
- sudjeluje u akcijama traženja, spašavanja, zbrinjavanja stanovništva i materijalnih dobara u slučaju nesreća ili sukoba, u skladu sa svojim nadležnostima,
- koordinira i provodi vanredne akcije solidarnosti na teritoriji svog djelovanja u slučaju iznenadnih i velikih nesreća u koje se uključuju druge humanitarne organizacije, preduzeća i građani,
- organizira Službu traženja u skladu sa zakonom i drugim propisima;
- organizira Ured za informiranje u slučaju nesreća ili sukoba,
- organizira, koordinira i provodi akcije prikupljanja i slanja pomoći drugim nacionalnim društvima Crvenog križa i Crvenog polumjeseca putem Društva Crvenog križa BiH, radi ublažavanja posljedica elementarnih nesreća i rata
- prikuplja, prihvata i raspodjeljuje pomoć od drugih nacionalnih društava Crvenog križa i Crvenog polumjeseca i drugih organizacija i darovatelja iz zemlje i inozemstva,
- organizira i provodi prijevoz robe u humanitarne i druge svrhe i osoba sa posebnim potrebama - invalida, starih, bolesnih nemoćnih i slično, te dobrovoljnih davalaca krvi i članova Crvenog križa FBiH,
- radi na prosvjećivanju stanovništva o svjesnosti o postojanju mina i drugih neeksploziranih ubojitih sredstava,
- osniva i vodi domove, odmarališta i druge specijalizirane ustanove, pruža usluge smještaja i prehrane osobama kojima je takav oblik pomoći potreban iz zdravstvenih, socijalnih i drugih razloga (kuhinje Crvenog križa, dostava hrane u kuću, odmarališta Crvenog križa i drugo) te usluge istog tipa za članove Crvenog križa FBiH,
- promoviše očuvanje čovjekove životne okoline,
- organizira i vodi ljetne i zimske kampove za mlade,
- putem mobilnih timova provodi programe pomoći u lokalnim zajednicama starim i nemoćnim osobama i povratnicima,

- radi na povećanju članstva, širenju i jačanju svojih organizacija i osposobljava ih za izvršenje navedenih programskih djelatnosti,
- izdaje publikacije o svojim djelatnostima, obavještava članstvo i stanovništvo o radu, idejama i djelovanju Crvenog križa FBiH,
- ostvaruje suradnju i predlaže aktivnosti državnim tijelima, privrednim društvima i drugim pravnim osobama u smislu nabavke opreme i dobara za potrebe djelovanja Crvenog križa,
- organizira razne oblike međusobnog pomaganja stanovništva i time razvija vrlinu: solidarnost, nepristranost, poštovanje ljudskog bića, humanizam i sl.,
- promoviše ljudska prava u skladu sa Deklaracijom o ljudskim pravima UN-a, Evropskom poveljom o ljudskim pravima i Ustavom BiH
- obavlja druge poslove određene ovim Statutom i Zakonom.

Član 11.

U sastavu Društva Crvenog krsta/križa BiH, Crveni križ FBiH neposredno održava i razvija odnose i saradnju s Međunarodnim komitetom Crvenog križa, Međunarodnom Federacijom društava Crvenog križa i Crvenog polumjeseca, nacionalnim organizacijama Crvenog križa i Crvenog polumjeseca i drugim međunarodnim i nacionalnim humanitarnim, karitativnim, kulturnim, zdravstvenim i socijalnim ustanovama.

Crveni križ FBiH može određene poslove iz stava 1. ovog člana neposredno ostvarivati na osnovu odluke Predsjedništva Crvenog križa FBiH.

III ČLANSTVO

Član 12.

Članstvo u Crvenom križu FBiH je dobrovoljno i dostupno je svim građanima bez diskriminacije po osnovu rasne, spolne, dobne, klasne, religijske ili političke pripadnosti.

Članovi Crvenog križa FBiH su:

- redovni,
- dopisni
- počasni članovi.
- patroni

Redovni članovi Crvenog križa FBiH (mladi i odrasli) mogu biti državljeni BiH koji imaju prebivalište na teritoriju djelovanja Crvenog križa FBiH i koji su prihvatali Statut Crvenog križa FBiH, principe i programske zadatke te se kao takvi učlane u Crveni križ FBiH i koji redovno plaćaju članarinu.

Član Crvenog križa FBiH može biti i strani državljanin koji ima dozvolu za privremeni ili stalni boravak na teritoriju FBiH i koji prihvata ovaj Statut.

Dopisni članovi su one osobe koje plaćaju godišnju članarinu koju je odredila Skupština Crvenog križa FBiH.

Počasni članovi su osobe koje su dobrovoljnim radom i naročitim zaslugama doprinijele opštem razvoju Crvenog križa FBiH.

Patron može biti svaka fizička i pravna osoba koja se obaveže da će pomagati Crvenom križu FBiH u njegovom humanitarnom djelovanju i koja preuzme pokroviteljstvo ili drugi oblik materijalne pomoći / je javna osoba koju je izabralo Predsjedništvo Crvenog križa FBiH i koja neprekidno pomaže Crveni križ FBiH.

Član 13.

Članovi Crvenog križa FBiH mogu biti dječaci, mladi i odrasli.

Članovi mlađi od 15 godina čine podmladak Crvenog križa FBiH.

Članovi od 15 - 27 godina čine mlade Crvenog križa FBiH.

Članovi stariji od 27 godina čine odraslo članstvo Crvenog križa FBiH.

Član 14.

Učlanjenje članova Crvenog križa FBiH obavlja se u Crvenom križu općina i grada.

Učlanjenje može biti pojedinačno i kolektivno.

Počasne članove Crvenog križa, na prijedlog Predsjedništva imenuje Skupština Crvenog križa u kojoj je taj član aktivan i koji je stekao uslov za inauguraciju za počasnog člana. Počasni član dobija plaketu Crvenog križa, čiji izgled utvrđuje Predsjedništvo Crvenog križa FBiH.

Član 15.

Svi članovi Crvenog križa FBiH imaju sljedeće dužnosti:

- da se drže osnovnih principa i da ih dalje šire,
- da promovišu rad Crvenog križa FBiH,
- da prihvataju i poštuju odredbe Statuta,
- da plaćaju godišnju članarinu,
- da aktivno učestvuju u radu Crvenog križa FBiH
- da čuvaju interes Crvenog križa FBiH,

Punoljetni članovi Crvenog križa FBiH imaju sljedeća prava:

- da biraju i da budu izabrani u tijela Crvenog križa FBiH,

Svi članovi Crvenog križa FBiH imaju pravo:

- da učestvuju i glasaju na sastancima lokalne skupštine-
- da budu upoznati sa radom i utiču na rad Crvenog križa
- da aktivno učestvuju u radu Crvenog križa FBiH, zašto dobijaju posebne iskaznice
- da provode odluke Crvenog križa FBiH,
- da sarađuju s drugim članovima radi ostvarivanja programskih ciljeva i planskih zadataka,

Član 16.

Članovi Crvenog križa FBiH mogu se organizirati po mjestu stanovanja, rada i školovanja, putem ogrankaka Crvenog križa.

Član 17.

Članstvo u Crvenom križu FBiH prestaje:

- istupom iz članstva ličnom voljom,
- preseljenjem izvan teritorija djelovanja Crvenog križa FBiH,
- nepodmirivanjem članskog doprinosa,
- isključenjem zbog ponašanja suprotnog odredbama ovog Statuta,
- smrću.

Izključeni članovi gube sva prava koja su im pripadala kao članovima Crvenog križa FBiH, a unaprijed plaćena članarina se ne vraća.

O izključenju člana odlučuje Predsjedništvo Crvenog križa koje je izvršilo učlanjenje. Izuzetno u slučaju grubog kršenja odluka i zaključaka viših organa, kao i principa Crvenog križa, o izključenju člana odlučuje Predsjedništvo Crvenog križa FBiH.

Protiv odluke o izključenju, član ima pravo žalbe najvišem tijelu Crvenog križa FBiH u roku od osam dana od dana dostavljanja odluke.

Protiv odluke najvišeg tijela Crvenog križa FBiH izključeni član ima pravo žalbe Arbitražnoj komisiji Generalne skupštine Društva Crvenog križa BiH, čija je odluka konačna.

IV STRUKTURA CRVENOG KRIŽA FBiH

Član 18.

Crveni križ FBiH čine:

1. Crveni križ kantona,
2. Crveni križ grada,
3. Crveni križ općine,
4. Crveni križ općina.

Broj i naziv organizacija sa svojstvom pravnog lica utvrđuje se Odlukom Skupštine Crvenog križa FBiH, na prijedlog Predsjedništva Crvenog križa FBiH.

Član 19.

Crveni križ kantona ustanovljava se na teritoriji kantona.

Način organizovanja Crveni križ kantona uređuje svojim Statutom.

Statut Crvenog križa kantona treba da sadrži odredbe o međusobnim odnosima konstitutivnih dijelova, a u ostalim odredbama mora biti usuglašen sa ovim Statutom.

Član 20.

Crveni križ grada ustanovljava se na teritoriji koja ima status grada.

Način organizovanja Crveni križ grada uređuje svojim Statutom.

Statut Crvenog križa grada treba da sadrži odredbe o međusobnim odnosima konstitutivnih dijelova, a u ostalim odredbama mora biti u skladu sa Statutom Crvenog križa kantona/županije i ovim Statutom.

Član 21.

Crveni križ općine ustanavljuje se na teritoriju općine.

Način organizovanja Crveni križ općine uređuje svojim Statutom.

Statut Crvenog križa općine treba da sadrži odredbe o radu i djelovanju konstitutivnih dijelova Crvenog križa općine, a u ostalim odredbama mora biti usaglašen sa Statutom Crvenog križa grada, odnosno Statutom Crvenog križa kantona i ovim Statutom.

Član 22.

Crveni križ općina ustanavljuje se na teritoriji dvije ili više općina .

Način organizovanja Crveni križ općina uređuje svojim Statutom.

Statut Crvenog križa općina treba da sadrži odredbe o međusobnim odnosima konstitutivnih dijelova Crvenog križa dvije ili više općina, a u ostalim odredbama mora biti usaglašen sa statutom Crvenog križa grada, odnosno statutom Crvenog križa kantona i ovim Statutom.

Član 23.

U cilju ostvarivanja jedinstvenog djelovanja, kadrovskog i materijalnog jačanja Crveni križ FBiH prati i koordinira aktivnosti organizacija na svim nivoima organizovanja.

Odnosi unutar Crvenog križa FBiH zasnivaju se na međusobnoj saradnji, vertikalnoj povezanosti i odgovornosti za ostvarivanje ustanovljenih programa i djelatnosti.

Član 24.

Organizacije Crvenog križa općina, grada i kantona imaju prava i obaveze kao članice u strukturi Crvenog križa FBiH.

Izuzetno, odluku o prestanku članstva organizacije Crvenog križa kao članice u Crvenom križu FBiH donosi Skupština Crvenog križa FBiH, a po žalbi rješava Generalna skupština Društva Crvenog krsta/križa BiH.

Član 25.

Prema utvrđenom unutrašnjem uređenju Crvenog križa FBiH, programski ciljevi i zadaci navedeni u članu 9. i 10. ovog Statuta, neposredno se ostvaruju kroz rad organizacija Crvenog križa na nivou općina i gradova.

Kantonalne organizacije Crvenog križa prioritetno obavljaju: unapređenje razvoja i koordinaciju rada organizacija Crvenog križa na području kantona; edukaciju uposlenika i volontera Crvenog križa za sve djelatnosti, pripreme, edukaciju i opremanje za djelovanje u slučaju prirodnih i drugih nesreća; rad sa mladima u dijelu provođenja zdravstveno-odgojnih programa i takmičenja prve pomoći, programa prevencije bolesti ovisnosti; rješavanje pitanja od zajedničkog interesa kroz ciljane programe i zajedničke akcije u saradnji s mjerodavnim subjektima na nivou kantona.

Crveni križ na nivou FBiH uz provedbu programa i aktivnosti iz člana 9., posebno prati i koordinira aktivnosti organizacija Crvenog križa na nižim nivoima, vrši edukaciju uposlenika i volontera Crvenog križa za sve djelatnosti, brine o zaštiti znaka crvenog križa i statusu Crvenog križa FBiH u cjelini, zakonskoj regulativi, ostvaruje saradnju sa nadležnim subjektima na entitetском nivou, vodi razvojnu politiku Crvenog križa u duhu međunarodnog Pokreta i stvarnih potreba građana u FBiH, te posredstvom Društva Crvenog križa BiH ostvaruje međunarodnu saradnju sa nacionalnim i međunarodnim subjektima.

V UPRAVNA TIJELA CRVENOG KRIŽA FBiH

Član 26.

Tijela Crvenog križa FBiH su:

1. Skupština,
2. Predsjedništvo,
3. Predsjednik
4. Nadzorni odbor

1. SKUPŠTINA CRVENOG KRIŽA FBiH

Član 27.

Skupština je najviše tijelo Crvenog križa FBiH.

Skupštinu čine po jedan zastupnik izabran na skupštini Crvenog križa općine, općina, grada i kantona.

U Skupštinu se biraju i tri predstavnika Konferencije mlađih, jedan predstavnik Civilne zaštite i tri istaknuta člana Crvenog križa iz oblasti zdravstva, socijalne politike i obrazovanja, na prijedlog Predsjedništva.

Član 28.

Mandat zastupnika Skupštine traje četiri godine sa mogućnošću ponovnog izbora na još jedan mandat.

Skupština se održava po potrebi, a najmanje jednom godišnje.

Predsjednik Skupštine, na prijedlog jedne trećine zastupnika, Predsjedništva ili predsjednika Crvenog križa FBiH saziva vanredno zasjedanje Skupštine Crvenog križa FBiH.

Član 29.

Zastupnik u Skupštini može biti opozvan prije isteka mandata.

Opoziv zastupnika vrši tijelo koje ga je biralo.

Član 30.

Poslovnikom o radu Skupštine bliže se reguliše način rada i odlučivanja u Skupštini Crvenog križa FBiH.

Poslovnik iz prethodnog stava se donosi na sjednici Skupštine Crvenog križa FBiH.

Član 31.

Skupština u okviru svojih prava i dužnosti:

- donosi Statut Crvenog križa FBiH,
- donosi Poslovnik o radu Skupštine,
- razmatra Statut Društva Crvenog križa BiH i učestvuje u njegovom donošenju
- donosi odluku o načinu izbora i opoziva predsjednika Skupštine i Predsjedništva Crvenog križa FBiH,
- bira i opoziva Predsjednika Skupštine, Predsjedništvo, Predsjednika i Nadzorni odbor Crvenog križa FBiH,
- bira i opoziva zastupnike u Skupštini, Predsjedništvo i Nadzorni odbor Društva Crvenog križa BiH iz strukture Crvenog križa FBiH,
- donosi Pravilnik o radu Službe traženja,
- donosi odluke o statusnim i drugim pitanjima unutrašnjeg organizovanja rada i djelovanja,
- donosi odluke o osnivanju i ukidanju fondova Crvenog križa FBiH i prati njihovu funkciju,
- donosi Pravilnik o priznanjima Crvenog križa FBiH,
- donosi programsku orientaciju i razvojne programe,
- usvaja izvještaj o radu i poslovanju u četverogodišnjem periodu,
- donosi godišnji program rada i finansijski plan,
- donosi odluku o načinu rada Crvenog križa FBiH u oružanim sukobima i drugim vanrednim situacijama
- usvaja godišnji izvještaj i godišnji obračun poslovanja,
- verificira mandat zastupnika,
- odlučuje o sticanju i otuđenju nepokretne imovine Crvenog križa FBiH,
- odlučuje o isključenju člana Crvenog križa FBiH,
- donosi odluku o visini godišnje članarine za Crveni križ FBiH i način raspoređivanja sredstava iste,
- donosi akta koja uređuju međusobne odnose u strukturi Crvenog križa FBiH
- vrši i druge poslove određene ovim Statutom.

PREDSJEDNIK SKUPŠTINE CRVENOG KRIŽA FBiH

Član 32.

Skupština, u skladu sa Poslovnikom o radu Skupštine, bira predsjednika Skupštine iz reda istaknutih članova koji nisu profesionalno uposleni u strukturi Crvenog križa FBiH.

Predsjednik saziva Skupštinu, rukovodi radom i potpisuje akte Skupštine.

Mandat predsjednika Skupštine traje četiri godine.

Predsjednik funkciju obavlja volonterski.

U slučaju da mjesto ostane upražnjeno ili predsjednik nije u stanju obavljati svoju funkciju, sjednicu Skupštine će voditi član Skupštine kojeg imenuje (ovlasti) Predsjedništvo.

2. PREDSJEDNIŠTVO CRVENOG KRIŽA FBiH

Član 33.

Predsjedništvo Crvenog križa FBiH je upravno i izvršno tijelo Skupštine.

Predsjedništvo obavlja poslove i zadatke propisane Statutom, odlukom i zaključcima Skupštine.

Skupština svojom odlukom utvrđuje način izbora članova Predsjedništva uz poštovanje teritorijalne zastupljenosti i broja redovnih članova, s tim da svi kantoni budu zastupljeni u Predsjedništvu.

Predsjedništvo broji 15 članova, i to po jednog predstavnika Crvenog križa kantona izabranog od strane Skupštine Crvenog križa kantona, jednog predstavnika Konferencije mladih, jednog predstavnika Civilne zaštite i tri istaknuta člana Crvenog križa iz oblasti zdravstva, socijalne politike i obrazovanja, na prijedlog Predsjedništva.

Mandat članova Predsjedništva traje četiri godine, uz mogućnost izbora na još jedan mandat, nakon čega može biti ponovo biran po isteku četiri godine.

Član 34.

Predsjedništvo, u okviru svojih aktivnosti, provodi sljedeće:

- priprema prijedlog Statuta i druge akte koje donosi Skupština,
- provodi odluke i zaključke Skupštine i Predsjedništva,
- donosi Poslovnik o radu Predsjedništva,
- donosi Pravilnik o sistematizaciji Stručne službe Crvenog križa FBiH,
- daje saglasnost na statute nižih nivoa organizovanja,
- imenuje Rukovodioca Službe traženja
- priprema i predlaže programe i finansijske planove i brine se o njihovom izvršenju,
- osigurava izvršenje programa rada stalnih tijela te usklađuje njihov rad ,
- osigurava sredstva za izvršenje programa rada, stručne službe i povremenih tijela te usklađuje njihov rad,
- osniva povremena stručna radna tijela (konferencije, komisije, savjete i dr.) i verifikuje ili imenuje njihove predsjednike,
- odlučuje o izboru predstavnika u tijela Društva Crvenog križa Bosne i Hercegovine koje ne bira Skupština Crvenog križa FBiH,
- prati i ocjenjuje stanje i aktivnosti na nižim nivoima organiziranja Crvenog križa FBiH,
- ostvaruje saradnju s Predsjedništvom Društva Crvenog križa Bosne i Hercegovine i provodi zaključke i odluke Predsjedništva Društva
- na prijedlog Komisije za razvoj donosi Odluku o imenovanju sekretara,
- priprema prijedlog za izbor tijela Skupštine Crvenog križa FBiH,
- razmatra aktuelna pitanja iz rada pojedinih organizacija i Crvenog križa FBiH u cijelini, zauzima stavove te donosi preporuke, zaključke, smjernice i uputstva za rad svih nivoa Crvenog križa FBiH,
- donosi Pravila o organiziranju i djelovanju mladih Crvenog križa FBiH,
- donosi odluku, plan i operativni plan o djelovanju za pripravnost u slučaju nesreća,
- donosi odluku o načinu korištenja sredstava i raspolažanja pokretnom imovinom,
- donosi odluku o osnivanju Stručne službe Crvenog križa FBiH,
- ocjenjuje stanje i djelatnost organizacija Crvenog križa,
- bira predstavnike i delegacije za međunarodne skupove, ovisno o zahtjevu,
- koordinira zajedničke akcije Crvenog križa FBiH,
- imenuje počasne članove Crvenog križa FBiH,
- imenuje predsjedavajućeg Arbitraže,
- informira javnost o svom djelovanju.

- vrši druge poslove određene Statutom.

Sva druga pitanja koja nisu u nadležnosti Crvenog križa FBiH, biće regulisana statutima Crvenog križa općine, grada i kantona.
Način rada i odlučivanja Predsjedništva reguliran je Poslovnikom o radu Predsjedništva Crvenog križa FBiH.

3. PREDSJEDNIK CRVENOG KRIŽA FBiH

Član 35.

Predsjednik Predsjedništva (u daljem tekstu predsjednik) je dobrovoljna funkcija i obavlja se na volonterskoj osnovi, a bira se iz reda istaknutih aktivista koji nisu profesionalno uposleni u strukturi Crvenog križa.

Predsjednika, na prijedlog Predsjedništva, bira Skupština Crvenog križa FBiH iz svojih redova.

Predsjednik Crvenog križa FBiH predstavlja Crveni križ FBiH.

Predsjednik saziva i predsjedava sjednicama Predsjedništva i potpisuje akte koje ono donosi.

Predsjednik obavlja poslove utvrđene Poslovnikom o radu Predsjedništva ili koje mu povjeri Skupština i Predsjedništvo.

Mandat predsjednika traje četiri godine, uz mogućnost ponovnog izbora na još jedan mandat.

U slučaju da mjesto ostane upražnjeno ili predsjednik nije u stanju obavljati svoju funkciju, sjednicu će voditi član Predsjedništva kojeg imenuje (ovlasti) Predsjedništvo.

4. NADZORNI ODBOR/FINANSIJSKA KOMISIJA CRVENOG KRIŽA FBiH

Član 36.

Nadzorni odbor je savjetodavno tijelo Predsjedništva. Nadzorni odbor ima pet članova koje imenuje Skupština na prijedlog Predsjedništva
Mandat Nadzornog odbora traje četiri godine uz mogućnost ponovnog izbora na još jedan mandat, nakon čega ne može biti biran dok ne prođu četiri godine.

Nadzorni odbor ima sljedeće dužnosti:

- Daje savjete o svim finansijskim pitanjima koja se tiču Crvenog križa FBiH
- Prati i ostvaruje uvid u primjenu pozitivnih zakonskih propisa, normativnih akata i način trošenja sredstava
- Vrši nadzor nad materijalno - finansijskim poslovanjem Crvenog križa
- Daje komentare o upravljanju i investiranju raspoloživih sredstava i daje preporuke Predsjedništvu i Skupštini o svim finansijskim mjerama koje smatra neophodnim
- Daje komentare na nacrte budžeta i finansijske izvještaje
- Predsjedništvu Crvenog križa FBiH podnosi izvještaj o radu po potrebi, a najmanje dva puta godišnje
- Analizira i predlaže prijedloge projekata za samoodrživost organizacije
- Detaljnije nadležnosti, obim poslova i smjernice rada utvrđuju se Pravilnikom o radu Nadzornog odbora.

Članovi Nadzornog odbora ne mogu biti iz reda zastupnika Skupštine Crvenog križa FBiH.

VI STALNA I POVREMENA TIJELA

1. KOMISIJE

Član 37.

Skupština i Predsjedništvo Crvenog križa FBiH za obavljanje određenih poslova i zadataka može osnivati povremena i stalna radna, savjetodavna i stručna tijela (konferencije, komisije, savjete i dr.)

2. KONFERENCIJA MLADIH

Član 38.

U cilju upoznavanja mladih sa osnovnim ciljevima i zadacima Crvenog križa osniva se Konferencija mladih Crvenog križa FBiH.

Mladi kao članovi Crvenog križa mogu se organizovati u grupe mladih Crvenog križa u školama, fakultetima i drugim ustanovama.

Mladi svojom djelatnošću učestvuju u radu općinske, općinskih, kantonalne i federalne organizacije Crvenog križa.

Način organiziranja i djelovanja Konferencije mladih Crvenog križa FBiH propisan je Pravilima o organiziranju i djelovanju mladih Crvenog križa FBiH koja donosi Predsjedništvo Crvenog križa FBiH.

VII RUKOVOĐENJE CRVENOG KRIŽA FBiH

1. SEKRETAR CRVENOG KRIŽA FBiH

Član 39.

Sekretar Crvenog križa FBiH je šef Stručne službe, odgovoran je za rad Stručne službe i zastupa Crveni križ FBiH.

Sekretar Crvenog križa FBiH vrši slijedeće poslove:

- provodi odluke Skupštine i Predsjedništva Crvenog križa FBiH,
- odgovoran je za rad Službe traženja,
- rukovodi radom Stručne službe,
- koordinira rad radnih tijela Predsjedništva Crvenog križa FBiH,
- naredbodavac je za izvršenje finansijskog plana,
- odgovoran je za finansijsko-materijalno poslovanje,
- prati i koordinira rad rukovodstava nižih nivoa organizovanja i Predsjedništvu predlaže mјere za poboljšanje rada,
- obavlja i druge poslove koje mu odredi Predsjedništvo.

Sekretar za svoj rad odgovara Predsjedništvu Crvenog križa FBiH.

Mandat sekretara Crvenog križa FBiH traje četiri godine, uz mogućnost ponovnog imenovanja.

Sekretar Crvenog križa FBiH vrši funkciju profesionalno

2. SLUŽBA TRAŽENJA CRVENOG KRIŽA FBiH

Član 40.

Rad Službe traženja definiran je odredbama Pravilnika o radu Službe traženja.

Radom Službe traženja neposredno rukovodi Rukovodilac Službe traženja kojeg imenuje i razrješava Predsjedništvo na prijedlog sekretara Crvenog križa FBiH.

Član 41.

Služba traženja prikuplja, evidentira i vrši obradu podataka o žrtvama rata i prosljeđuje ih porodicama i u određenim okolnostima, zainteresovanim međunarodnim organizacijama, spaja porodice razdvojene uslijed rata i bavi se drugim aktivnostima vezanim za traženje u Bosni i Hercegovini.

Član 42.

Sredstva za finansiranje poslova Službe traženja osiguravaju se iz Budžeta Federacije Bosne i Hercegovine, u skladu sa zakonom i drugih prihoda Crvenog križa FBiH.

Plan rada i finansijski plan Službe traženja sastavni je dio plana rada i finansijskog plana Crvenog križa FBiH.

3. STRUČNA SLUŽBA

Član 43.

Za provođenje odluka i zaključaka tijela Crvenog križa FBiH, kao i koordinaciju među organizacijama i institucijama Crvenog križa FBiH, te realizaciju programa i obavljanje stručnih, edukacijskih, administraciono-tehničkih, nadzornih i drugih poslova osnovana je Stručna služba u čijem sastavu je Služba traženja.

Sredstva za rad Stručne službe osigurava Crveni križ FBiH.

Član 44.

Sekretar Crvenog križa FBiH rukovodi radom Stručne službe i provodi postupak za zapošljavanje u skladu sa važećim zakonskim propisima.

Unutrašnja organizacija i sistematizacija radnih mesta, uslovi za obavljanje poslova, broj izvršilaca i druga pitanja od značaja za rad Stručne službe propisana su Pravilnikom o unutarnjoj organizaciji i sistematizaciji Stručne službe Crvenog križa FBiH i drugim normativnim aktima u skladu sa važećim propisima.

VIII SREDSTVA I FINANSIRANJE

Član 45.

Crveni križ FBiH i njegove organizacije stiču sredstva iz sljedećih izvora:

- članarine svojih članova;
- iz budžeta Federacije, odnosno budžeta kantona, grada i općine;
- dobrovoljnih priloga i poklona fizičkih i pravnih lica;
- prihoda od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihoda stečenih obavljanjem privredne djelatnosti;
- i drugih prihoda stečenih u skladu sa Zakonom o Crvenom krstu/križu FBiH (Sl. novine FBiH br. 28/06) i Statutom.

U cilju osiguranja sredstava za funkcioniranje i izvršavanje programskih aktivnosti Crveni križ FBiH može osnovati ustanovu/firmu ili neposredno obavljati privredni ili uslužnu djelatnost u skladu sa ciljevima i zadacima.

Odluku o osnivanju ustanove/firme donosi predsjedništvo Crvenog križa FBiH.

Kriteriji i načini raspodjele prikupljenih sredstava regulisat će se posebnim odlukama Skupštine i Predsjedništva Crvenog križa FBiH.

Član 46.

Prihodi i rashodi Crvenog križa FBiH ustanovljavaju se finansijskim planom. Finansijski plan donosi Skupština svake godine na osnovu godišnjeg plana rada prije početka godine u kojoj će se finansijski plan primjenjivati.

Izuzetno, ako se ne doneše finansijski plan prije početka godine vrši se privremeno finansiranje na temelju finansijskog plana iz prethodne godine, ali najduže tri mjeseca.

Po završetku godine donosi se godišnji obračun kojim se utvrđuju rezultati finansijskog poslovanja.

Član 47.

Crveni križ FBiH posjeduje i raspolaže pokretnom i nepokretnom imovinom.

Način korištenja i raspolaganja pokretnom imovinom regulira se posebnom odlukom koju donosi Predsjedništvo Crvenog križa FBiH, dok o nepokretnoj imovini odlučuje Skupština Crvenog križa FBiH.

IX ARBITRAŽA

Član 48.

Za rješavanje sporova na svim nivoima Crvenog križa formira se Arbitražna komisija.

Sastav Arbitražne komisije utvrđuje se na način da suprostavljene strane imenuju po jednog člana koji dogovorno imenuju trećeg člana koji je predsjedavajući Arbitraže.

Ako ne dođe do saglasnosti o imenovanju predsjedavajućeg Arbitraže istog imenuje Predsjedništvo Crvenog križa FBiH.

Odluke Arbitraže obavezne su za suprotstavljene strane.

Prilikom arbitražnog postupka primjenjuju se odredbe civilnog parničnog postupka.

X DJELOVANJE CRVENOG KRIŽA FBiH U SLUČAJU RATA I DRUGIH VANREDNIH OKOLNOSTI

Član 49.

Za vrijeme rata i drugih vanrednih okolnosti zbog kojih se Skupština ne može sastati, poslove iz nadležnosti Skupštine vrši Predsjedništvo.

Predsjedništvo je dužno da odluke koje je donijelo iz nadležnosti Skupštine podnese na potvrdu Skupštini čim Skupština nastavi s radom.

Za vrijeme ratnog stanja i neposredne ratne opasnosti i drugih vanrednih okolnosti Skupština Crvenog križa FBiH donosi odluku o formiranju Ureda za informiranje.

Način rada Ureda za informiranje definiran je Pravilnikom o radu Službe traženja.

XI DONOŠENJE STATUTA CRVENOG KRIŽA FBiH

Član 50.

Statut Crvenog križa FBiH razmatra i usvaja Skupština uz prisustvo najmanje dvije trećine zastupnika Skupštine, a Statut je usvojen ako se potvrđno izjasni najmanje dvije trećine prisutnih zastupnika.

O nacrtu statuta prethodno se obavlja javna rasprava u Crvenom križu kantona, grada i općine.

Izmjene i dopune Statuta donose se na način i po postupku utvrđenim za njegovo donošenje.

Inicijativu za izmjene i dopune Statuta može pokrenuti Predsjedništvo Crvenog križa FBiH, Skupština Crvenog križa kantona, najmanje pet organizacija Crvenog križa općine i najmanje 10 zastupnika u Skupštini Crvenog križa FBiH.

O inicijativi iz prethodnog stava odlučuje Skupština Crvenog križa FBiH i o tome izvještava podnosioca inicijative.

XII PRESTANAK RADA

Član 51.

Crveni križ FBiH prestaje sa radom kada nastupi neki od uslova ustanovljenih zakonom i kad Skupština donese nadpolovičnom većinom svih zastupnika odluku o prestanku rada.

Prestanak rada Crvenog križa FBiH, pitanje njegove imovine i obaveza rješavat će se u skladu sa postojećim pozitivnim propisima.

Ostatak novčane vrijednosti isključivo će se dodjeljivati u svrhu namjena za opća dobra u smislu Ženevskih konvencija i zaključaka međunarodnih konferencija Crvenog križa i Crvenog polumjeseca, koje odgovaraju ideji Crvenog križa.

Arhivska građa Crvenog križa FBiH zbog svoje važnosti i nedjeljivosti u cijelosti će pripasti Arhivu FBiH, odnosno pravnom nasljedniku navedene institucije, u skladu sa postojećem pozitivnom zakonu o arhivskoj građi i arhivima i aktima tog zakona.

XIII PRIJELAZNE I ZAVRŠNE ODREDBE

Član 52.

Organizacije Crvenog križa kantona, grada općina i općine trebaju uskladiti svoje statute u roku od tri mjeseca od dana stupanja na snagu ovog Statuta.

Član 53.

Ovaj Statut stupa na snagu danom usvajanja na Skupštini Crvenog križa FBiH.

Član 54.

Danom stupanja na snagu ovog Statuta prestaje da važi Statut Crvenog križa FBiH broj: 01-VII-331/03. od 29.04.2003. godine.

Broj: 01-XIII-194/07
Sarajevo, 28.03.2007.



PREDSJEDNIK SKUPŠTINE
CRVENOG KRIŽA FBIH
Prim. dr. Fadil Jahić

СВЕДЕНИЈА О ПОДАРКИМА ПРИДУШИВО СТАВЛJЕНИ
С А Р А Ј Е В О

Документ: 00-00-100/03
Сарајево, 1.1.2008. године.

